

SCRIPT OF MORNING GOJRI NEWS BULLETIN 7 APRIL 2025

1015HRS

مارنگ گوجری نیوز بولیٹن 7 اپریل 2025

یوہ آکاشوانی جموں ہے عبدالرحمان تیں خبر سُنو۔

HM JK VISIT

مرکزی وزیر داخلہ مات شاہ نے بھارتیہ جنتا پارٹی غا ممبران اسمبلی تے سنئیر پارٹی لیڈران نانہہ یقین دوايو ہے جے جموں غا علاقہ مانہہ دہشت گردی غے متعلق صورتحال جلد ہی قابو مانہہ آجے گی۔ انہاں نے جموں کشمیر نانہہ ریاستی درجو دین غے متعلق مرکزی حکومت غے موقف نانہہ دوہرایو تے کہیو جے یوہ مناسب وقت ور بحال کیو جے گو جناب امت شاہ نے ترکٹہ نگر مانہہ پارٹی ہیڈ کوارٹر ور بی جے پی غا ۸۲ ممبران اسمبلی سنگ دوگھنٹہ طویل میٹنگ کی۔ جس مانہہ مرکزی وزیر داکٹر جتندر سنگھ وی موجود تھا۔ وزیر داخلہ امت شاہ کل شام پُجا تے وے ایت ترے روزہ دورہ ور ہیں تانجے سلامتی صورتحال گو جائیزو لیں حفاظتی اہلکاران سنگ بات چیت کریں۔ تے کروڑاں روپیاں غا ترقیاتی پروجیکٹاں غو افتتاح سنگ بنیاد رکھیں۔ آج وے بین العوامی سرحد ور سرحدی اگلی چوکی یعنی بی او پی ونے کٹھوہ غو دورو کرینگا تے فیر راج بھون مانہہ جموں کشمیر پولیس غا اشہید غا اہل خانہ سنگ ملاقات کرینگا پتے کیض پسماندہگان نانہہ نوکری مانہہ تقرری بارے آڈر وی سوپیں گا جس تیں بعد شام مانہہ وے سرینگر روانہ ویں غا پلک جناب امت شاہ دو اہم حفاظتی جائیزہ میٹنگاں غی صدارت کرینگا جن مانہہ متحدہ ہیڈ کوارٹر غی میٹنگ تے شریامرناتھ یاترہ غی سالانہ تیاریاں گو جائیزو شامل ہے۔

BUDGET SESSION

جموں کشمیر اسمبلی غو بجٹ اجلاس ۲۱ روزہ وقفہ تیں بعد آج دوبارہ شروع ہو رہیو ہے ایوان ۹ اپریل نانہہ غیر مینہ مدت واسطے ملتوی ہون بارے مقرر ہے نجی ممبران غی قرارداد ۷ تے ۹ اپریل نانہہ شڈیول فہرست مانہہ شامل ہیں جدکہ بجی ممبران غ اہل ۸ اپریل نانہہ زیر آوینگا واضع رہ جے دفعہ ۰۷۳ غ اخاتمہ تیں بعد اسمبلی غو پہلو بجٹ اجلاس ۳ مارچ نانہہ جموں مانہہ شروع ہوو جس مانہہ نظر ثانی شدہ کیلنڈر غے مطابق کل ۱۲ اجلاس شامل ہیں۔

CM LOK SAMVARDHAN PARV

وزیر اعلیٰ عمر عبداللہ نے کہیو ہے جے جموں کشمیر بتدریج قومی ترقی مانہہ ایک برابر غو شریک بنن در اگے بدھ رہیو ہے جت درپیش مسائل وکوشش اس نانہہ قومی ترقی غو اہم حصوبنارہی ہیں کشمیر یونیورسٹی مانہہ لوک سمودھان پرو مانہہ خطاب کرتا واں انہاں نے مرکز تیں مطالبو کیو ہے جے وے خطہ گا فائیدہ واسطے زیر التواہ تجاویز نانہہ منظوری دیں اس تقریب غو افتتاح مرکزی وزیر برائے پارلیمانی امور تے اقلیتی امور کیرن ریجی جو نے کہیو مقامی ثقافت نانہہ آجاگر کرتا واں وزیر اعلیٰ عمر عبداللہ نے ہنر منداناں غی تعریف کی تے تعلیم ہنر سازی تے منڈی تک رسائی جیسا شعبان مانہہ اقلیتی امور غی وزارت تیں زیادہ مدد فراہم کرن ور زور دتو تانجے ہنر منداناں غی مدد غے نال نال بے روزگاری ور قابو پایو جاسکے۔

CABINET SUB COMMITTEE

تخصااص قوانین ور ترے رُکنی قابینہ غی ذیلی کمیٹی جس غی قیادت قابینہ وزیر محترمہ سکینہ اتو نے کی نے کل بکھ بکھ عوامی وفود تے شیر کشمیر بین العقوامی کنویشن مرکز یعنی ایس کے آئی سی سی سرینگر مانہ طلبہ سنگ ملاقات کی وزرا جاپود احمد رانہ تے ستیش شرما وی سنئیر عہدے داراں غے سنگ اُت موجود تھا۔ وفود نے موجودہ تخصااص پالسیاں ور تحفظات غو اظہار کیو ذیلی کمیٹی نے یقین دہانی کروائی جے تمام خیالات نانہ سنیو جے گو تے اک مفانہ وجامع حل تلاش کیو جے گو۔ کمیٹی نے کھلا زبن سنگ بات چیت مکالمہ غی اہمیت ور زور دتو تے ۶ مہیناں غے اندر اپنی رپوٹ پیش کرن غو عزم غو اظہار کیو۔ واضح رہ جے یاہ کمیٹی عمر عبداللہ حکومت غی طرفوں تخصااص قوانین ور شکایات غا ازالہ واسطے قائم کی تھی۔

RIJIJU ANDRABI WAQF

جموں کشمیر وقف بورڈ غی چیر پرسن ڈاکٹر درخشاں اندرابی نے سرینگر مانہ اقلیتی امور غا مرکزی وزیر کیرن ریجیو سنگ ملاقات کی تانجے وقف ترقیاتی پروگراماں تے وقف ترمیمی بل ۵۲۰۲ غ فائیداں ور تبادلہ خیال کیو جاسکے۔ ڈاکٹر اندرابی نے جموں کشمیر مانہ کمزور وقف انتظامی نظام نانہ بہتر بنان واسطے بورڈ غی کوششاں نانہ اجاگر کیو انہاں نے وقف قانون مانہ ضروری ترامیم واسطے مرکزی حکومت غی تعریف کی تے ترامیم غے خلاف چوٹھا پروپگنڈہ غو موثر جواب دتو مرکزی وزیر کیرن ریجی جو نے ڈاکٹر اندرابی غی کوششاں نانہ سہرايو تے مسلم طبقہ واسطے وقف ترمیمی بل غا فائدہ غے متعلق اُن غی واضع عوامی بات چیت غی تعریف کی۔

PILGRIM KATRA

جموں کشمیر مانہ ترے لکھ ۵۷ ہزار یاتریاں نوراتری غے دوران ماتا ویشنو دیوی شرائین ور حاضری دتی ہے جس سنگ سال پھر غی کُل یاترہ تعداد ۱۲ لکھ ۵۲ ہزار تک پُج گئی ہے مارچ غا وسطن ہی شرائین ور پہاری بھیڑ دیکھن مانہ وئی تے نواراترہ غے دوران روزانہ اوسطہ ۰۴ ہزار یاتری اُت پُجا عام طور ور یاہ یاترہ ترے تیں ساڈہ ترے لکھ یاتریاں نانہ اپنے طرف کھینچے سال ۲۰۲۰ مانہ کووڈ ۹۱ لاک ٹون غے باعث صرف ۷۱ لکھ یاتری ایت آیا تھا جدکہ سال ۲۰۲۰ مانہ ۴۹ لکھ ۴۸ ہزار عقیدت منداں نے ایت یاترہ گی ابتدائی احجانات غی بنیاد ور اندازو ہے جے سال ۵۲۰۲ مانہ یاتریاں غی تعداد ۱ کروڑ تیں تجاوز کرسکے تے ریکارڈ توڑ سکے۔
